

PEMBERITAHU PERTANYAAN DEWAN RAKYAT

PERTANYAAN : LISAN

**DARIPADA : Y.B. DATO' HAJI ABDUL RAHMAN BIN
HAJI MOHAMAD [LIPIS]**

TARIKH : 18.5.2016

SOALAN :

Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan modul yang diguna pakai oleh setiap Kolej Vokasional yang ada di Malaysia dan adakah modul tersebut bersesuaian dengan kemudahan peralatan yang sedia ada sekarang.

JAWAPAN

Tuan Yang di-Pertua,

Kurikulum yang dilaksanakan di kolej vokasional dikenali sebagai Kurikulum Standard Kolej Vokasional (KSKV). KSKV yang dibangunkan adalah memenuhi standard program seperti mana yang ditetapkan oleh Malaysian Qualifications Agensi (MQA) dan Jabatan Pembangunan Kemahiran (JPK). Kursus-kursus yang dijalankan berdasarkan KSKV adalah mencapai Tahap 3 dan 4 JPK serta Tahap 4 Kerangka Kelayakan Malaysia (KKM) sebagai syarat untuk mencapai tahap diploma bagi memenuhi keperluan akreditasi MQA.

Untuk makluman Ahli Yang Berhormat, memandangkan pengoperasian kolej vokasional masih baharu, tidak dapat dinafikan masih terdapat peralatan yang tidak mencukupi bagi mencapai standard program dalam memenuhi keperluan kursus. Namun begitu, KPM sentiasa berusaha

memastikan semua kelengkapan yang diperlukan dapat disediakan supaya program di kolej vokasional memberi impak besar dalam melahirkan modal insan berkemahiran tinggi.

RJM27